

- * "Умид"нинг серташвиш кунлари бошланди
- * Домлаларини кўрқитган Ўткир Ҳошимов
- * Рейтинг талабаларга нима учун ёқмайди?
- * Ошиқ йигитларга: севги изҳор этишнинг осон йўли



Элим деб, юртим деб,  ёниб яшаш керак

ТУРКИСТОН

1925 йилдан чиқа бошлаган

ЎЗБЕКИСТОН ЁШЛАРИ «КАМОЛОТ» ЖАМҒАРМАСИ ГАЗЕТАСИ

2000 йил 29 январь Шанба. № 9 (14291)

Ўзбекистон Республикаси Президентининг ФАРМОНИ Тошкент Давлат университетига "Ўзбекистон Миллий университети" мақомини бериш тўғрисида

Ватан ва миллат тараққиёти йўлида фидойилик кўрсатган жа- дид зиёлиларимизнинг буюк хизматларини эътироф этиш, тари- хий ҳақиқатни тиклаш, ёшлар қалбида истиқлол ғояларига садо- қат туйғуларини тарбиялаш, умуминсоний ва миллий илм-фан қадриятларини авлодлар онгига теран сингдириш, Тошкент Дав- лат университетининг азалий юсак мавқеини ўз жойига қўйиш, Кадрлар тайёрлаш миллий дастурида белгиланган вазифаларни амалга ошириш мақсадида:

1. Тошкент Давлат универси- тети, Ўзбекистон Республикаси Олий ва ўрта махсус таълим вазирлиги, Фан ва техника дав- лат қўмитаси, Маърифатпар- варлар ва Тарихчилар жамият- лари, Мустамлакачилик даври қурбонлари хотирасини аба- дийлаштириш бўйича жамоат- чилик комиссияси ва бошқа бир қанча жамоат ташкилотла- рининг тарихий хужжатларга асосланган хулоса ҳамда так- лифларини инобатга олиб, Мирзо Улуғбек номидаги Тош- кент Давлат университетининг асосчилари жаҳид зиёлилари, унинг ташкил этилган санаси эса 1918 йил 12 май деб бел- гилансин.

2. Тошкент Давлат универси- тетининг нафақат республика- мизда, балки минтақамизда ҳам биринчи замонавий олий таълим муассасаси эканини, олимлар ва ўқитувчилар жамо- асининг фан ва таълим соҳа- сидаги юсак салоҳиятини, Ўрта Осиё давлатларида таълим ва илмий-тадқиқот тизимини шакллантиришдаги муҳим ўрни ҳамда халқаро нуфузини на- зарда тутган ҳолда унга "Мил- лий университет" мақоми бе- рилсин ва у Мирзо Улуғбек но- мидаги Ўзбекистон Миллий университети деб аталсин.

3. Қуйидагилар Ўзбекистон Миллий университетининг асо- сий вазифалари этиб белги- лансин: ёшлар қалбида истиқ- лол ғояларига садоқат, ватан- парварлик ва фидойилик туйғ- уларини камол топтириш, улар-

ни мустабид тузум йилларида қатагон қилинган фидойи ватан- дошларимиз хотирасига ҳурмат- эҳтиром руҳида тарбиялаш, хал- қимизнинг беқиёс илмий-мада- ний меросини чуқур ўрганиш; жамиятнинг илмий-маданий са- лоҳиятини юксалтириш, аҳоли ўртасида илмий қадриятларни тарғиб қилиш, ёшларнинг маъ- навий-маърифий савиясини ошириш; миллий университет таълим тизимини илғор илм-фан ютуқлари асосида такомиллаш- тириш, мамлакатимиздаги бар- ча университетлар учун ўқув, илмий-услубий, маънавий-маъ- рифий масалалар юзасидан та- янч ҳамда етакчи олий таълим муассасаси сифатида фаолият кўрсатишига эришиш; жаҳон ан- дозаларига мос фундаментал тадқиқотлар олиб бориш, фан- нинг муҳим соҳалари бўйича янги илмий мактабларни шакл- лантириш ва улар фаолиятининг давомийлигини таъминлаш, ри- вожланган мамлакатларнинг уни- верситетлари билан илм-фан ва олий таълим соҳасида ўзаро тенг манфаатли ҳамкорликни янада кенг йўлга қўйиш.

4. Ўзбекистон Республикаси Вазирлар Маҳкамаси бир ой муддат ичида мазкур Фармон- нинг бажарилиши юзасидан те- гишли қарор қабул қилсин.

Ўзбекистон Республикаси Президенти П.КАРИМОВ

Тошкент шаҳри, 2000 йил 28 январь



ИШОНЧ ҚАРВОНЛАРИ

ОГОҲЛИК - ДАВР ТАЛАБИ

Тошкентда пойтахтдаги барча маҳалла оқсоқоллари ва хотин-қизлар қўмиталари- нинг раислари, посбонлари, масжид имомлари, ички иш- лар ходимлари, Маънавият ва маърифат маркази шаҳар ва туман бўлимларининг раҳбар- лари, "Камолот" жамғармаси вакиллари, ўрта ва махсус таълим муассасаларининг профессор-ўқитувчилари иштирокида "Огоҳлик - давр талаби" мавзуида йиғилиш бўлиб ўтди.

Йиғилишни Тошкент шаҳар ҳокими К.Тўлаганов очди.

Тадбирда сўзга чиққан Ўзбекистон Республикаси Президентининг Давлат мас- лаҳатчиси А.Мансуров, Ички ишлар вазири З.Алматов, Республика "Маҳалла" хайрия жамғармаси раиси Ш.Жали- лов, Ўзбекистон мусулмон- лар идораси раиси, муфтий А.Баҳромов, Тошкент шаҳар

бош имом хатиби А.Турсунов, Тошкент шаҳар маҳалла оқсоқоллар кенгаши раиси- нинг ўринбосари М.Фуломов ва бошқалар давлатимиз раҳ- бари Олий Мажлиснинг яқин- да бўлиб ўтган сессиясида- ги маърузасида мамлақати- мизда тинчлик, осойишталик- ни мустаҳкамлаш масаласи- га яна бир бор алоҳида тўхта- либ ўтганлигини айтдилар. Зотан, эришаётган барча ютуқларимиз ана шу тинчлик ва осойишталик орқали қўлга киритилмоқда. Айни вақтда Ўзбекистондек буюк давлат вужудга келаётганини кўролмаётганлар ҳам йўқ эмас. Бунга 1999 йил 16 февралда Тошкентда, 15 но- ябрда Янгиободда содир этилган террорчилик ҳаракат- лари мисол бўла олади.

Ҳали дунёқараши тўла шакланмаган айрим ёшлари- миз хорихдаги баъзи ди-

ний-экстремистик оқим ва ташкилотларнинг ёлғон та- рғибот-ташвиқоти таъсири- га берилиб, фожеали йўлга кириб қолгани ҳам сир эмас. Йиғилиш қатнашчили- ри таъкидлаганларидек, бу ҳол барчамизни хушёр ва огоҳ бўлишга, жойларда, маҳаллаларда, ўқув муас- сасаларида кенг тушунти- риш ишларини кучайтириш- га, жамиятимизга ёт бўлган бундай ғаламис гуруҳлар ҳамда уларнинг гунаҳлари- га нисбатан кескин ва му- росасиз курашишга чақира- ди. Бу борада туман ҳоким- ликлари, милиция ва проку- ратура ходимлари, маҳал- ла оқсоқоллари, маҳалла посбонлари, педагоглар, дин вакиллари, барча фу- қаролар биргаликда ҳаракат қилиши зарур.

(ЎЗА)

ЁШЛАР ПРЕЗИДЕНТГА ИШОНАДИ

Мухтарам Ислон Абдуғаниевич!

Ўзбекистон ёшларининг "Камолот" жамғармаси Самарқанд вилояти бўлими Сизни жонажон Республикамининг Президенти этиб сайланганингиз билан чин юракдан муборакбод этади. Ёшларга бўлган оталарча ғамхўрлигингиз бизни ўз фарзандларим деб сийлаб, ҳар томонлама ривожланишимизга шароит яратиб бераётганлигингиз учун биз доим Сиздан миннатдоримиз. Сизнинг йўлбошчилигингизда бир умр она Ватанимизга хизмат қилишга, керак бўлса жонимизни фидо этишга тайёримиз!

А.КАРИМОВ, Самарқанд вилояти "Камолот" жамғармаси бўлими раиси

Худди шундай мазмундаги шошилинчномаларни "Камолот" жамғармасининг Ургут, Иштихон, Нарпай, Каттакўрғон шаҳар бўлимлари ва Самарқанд Давлат тиббиёт институти ҳузурдаги жамоатчилик маркази ҳам йўллаган

Хурматли Ислон Абдуғаниевич!

Мен Сизнинг ўзбек номини дунёга ёйиб, мамлакатимизни жаҳон ҳамжамиятидаги ўрни ва нуфузини ошириш борасида амалга ошираётган ишларингизни мардлик ва жасурлик намунаси деб биламан.

Сизни "Аср инсони" деб тан олинганлигингизни ойнаи жаҳон орқали эшитиб, қувонгимдан кўзларимга ёш келди ва бу ҳақда яқинларим ҳамда дўстларимга қувона-қувона сўзлаб бердим. Мен Сизнинг метиндек иродангиз қаршисида бош эгаман.

Қизингиз Нилуфар КОМИЛОВА, Асака шаҳридаги педагогика билим юрти талабаси

Хурматли Президентимиз Ислон Каримов!

Биз Сизни адолатли бўлиб ўтган Президент сайловида қайтадан республикамиз йўлбошчиси этиб сайланганингиз билан чин дилдан муборакбод этамиз.

Биз сайловда кўтаринки руҳ билан қатнашдик, албатта, Сизни йўлбошчиликка муносиб кўрдик. Бунга сабаб: юртимиз тинчлиги, ёшларга ғамхўрлигингиз ва танлаган сиёсий йўлингизнинг одилона эканлигида деб биламиз.

2000 йилни "Соғлом авлод йили" деб эълон қилганингиз биз ёшларга кўрсатилмаётган буюк ғамхўрлигингиз намунаси ва бизни қанчалар севишингизнинг яна бир исботидир. Сиз дунё тургунча туринг! Сиз каби фидокор ва адолатли инсонлар кўпаяверсин, деб

КАРИМОВлар оиласи ва 4 ёшли кенжатоё Ислонжон КАРИМОВ, Фаргона вилояти, Охунбобоев тумани, Ёрмозор маҳалласи

Хурматли Ислон бобо!

Мен оддий ишчининг қизиман. Сизнинг янги аср бўсағасида Президент қилиб сайланганингиз билан табриклайман! Сизга ва оила аъзоларингизга бахт саодат, узоқ умр тилайман. Сиз бошлаган мустақиллик туфайли биз ёшларга эътибор кучайди. Бундай замонда

Азиз Юртбошимиз!

Мен Жабборов Дурбек 9 январь — 18 ёшга тўлган куним Сиз сеvimли Юртбошимиз учун овоз бериш бахтига муяссар бўлдим.

Биз оилада 8 нафар: тўрт ўғил ва тўрт қизимиз. Отам 1984 йилда вафот этган. Оила аъзоларимиз билан деҳқончилик қиламиз. Биз ҳаммамиз Сизни ўз отамиздек кўраемиз. Сиз борки бағримиз бутун.

Ассалому алайкум Бобо-жон!

Биз каби фарзандларингиз ва набираларингизнинг бахту саодати учун узоқ умр кўришингизни Оллоҳдан сўраймиз.

Менинг ёшим ўн учда, Шаҳрисабз туманида туғилганман. Абдулла Қаҳҳор номида-

Ислон Каримовнинг муқобиллик асосидаги сайловда Республикаимиз Президенти этиб сайланганлиги муносабати билан мамлакатимиз ёшларининг йўлбошчимиз номига йўллаган мактуб ва шошилинчномаларининг бир қисмини га-зетамизнинг ўтган сонидан чоп этган эдик. Қуйидаги яна минглаб йигит ва қиз-

лар йўллаган дил эҳтиромларининг бир қисмини эътиборингизга ҳавола этмоқдамиз. Зеро, буларнинг барчасида ёшларнинг Президентга бўлган меҳр-муҳаббати, ишончи ва юрт олдидаги масъулият ифода этилган бу дил тугёнлари ҳеч бир кишини бефарқ қолдирмаса керак.



БИЗ ПРЕЗИДЕНТ ФАРЗАНДАЛАРИМИЗ

яшаш ва ўқишдан ортиқ бахт йўқ.

Мадина УТЕБОЕВА, Тўрткўл тумани, талаба

Бахтимизга умрингиз узоқ бўлсин!

Фаргона вилояти, Олтиариқ тумани, "Янгиобод" жамоа хўжалиги

Азиз ва хурматли Ислон Абдуғаниевич!

Биз ёшлар Сизни ва Сиз олиб бораётган ишларингизни доимо қўллаб-қувватлаймиз. Ишончим комилки, Ватанимизнинг тинчлигини, оилаларимизнинг осойишталигини сақлаш йўлида қилаётган тинимсиз меҳнатингизни халқимиз бир умр унутмайди.

Мен ҳамшира бўлиб ишлайман, 2 нафар фарзандим бор. Бор кучимни, меҳнатимни аямай, болаларимга ҳам оналик, ҳам оталик меҳрини бериб ўсдирмоқдаман. Уларни халқига, Сиздек йўлбошчисига содиқ фарзандлар қилиб тарбиялашга ҳаракат қиляпман. Қуйида Сизга атаб ёзган шеърларимдан бирини ҳада этмоқчиман:

*Дунё ёришди мисли тонг каби,
Ёришди олам, мисли ой каби.
Кўринди, кўринмай қолган бўстонлар,
Битилди, битилмай қолган дostonлар
Чирогингни асра, ўзбегим...*

Машхура РУСТАМОВА, Наманган шахри

ги 101-ўрта мактабнинг 7-синфиди ўқийман. "Тонг юлдузи", "Шаҳрисабз тонги" газетасида ва "Гулхан" журналида мақолаларим чиққан. Орзуим журналист бўлиб, Сиз азиз бобом билан юзма-юз туриб, интервью олишни орзу қиламан.

Набирангиз Дилноза САТТОРОВА, Шаҳрисабз шахри

Хурматли Ислон Каримов! Мен узоқ қишлоқда яшасамда, Сизни халқимизнинг келажагини ўйлаб қилаётган ҳар бир ишларингизни кузатиб, хурсанд бўлиб юраман.

Сиз халқимизнинг СССР деб номланган жаҳолат оғзидан эсон-омон олиб чиқдингиз. Ўзбек миллатини оламга танитдингиз. Биз ёшлар албатта Сизга ўхшаган фидоий инсон бўлиб етишишга ҳаракат қиламиз. 9 январь куни зўр қувонч билан Сизга овоз бердим! Умрингиз узоқ бўлсин!

Яраш УСАНОВ, Сурхондарё вилояти, Шўрчи туманидаги А.Сафаров ширкатлар хўжалиги

Азиз Ислон ака!

Сиз биз каби ёшларга катта ишонч билдирдингиз. Сизга доим содиқ бўламиз. Чунки сиз халқ ва Ватан ҳақида ўйлайдиган инсонсиз!

Сизни Оллоҳ паноҳида асрасин.

Бекназар ХўЖАЕВ, Расулбек МАТЁКУБОВ, Гавҳар МАТЁКУБОВА, Хоразм вилояти, Хазорасп тумани

Ассалому алайкум Ислон Абдуғаниевич!

Самарқандлик бир гуруҳ ёшлар ўз истеъдодлари, билим ва тажрибаларини синаяб кўриш ҳамда мамлакатимизда рўй бераётган оламшумул ижтимоий-иқтисодий ва сиёсий ўзгаришларга ҳисса қўйиш мақсадида "Юлдузлар" ёшлар марказига асос солдик. Марказимизнинг мақсади — тенгдошларимиз билан бирга ёшликнинг ҳар бир кунини қизиқарли, мазмунли ўтказиш. Ўз Ватанимиз, устозларимиз, ота-оналаримизга муносиб фарзандлар эканлигимизни ўқишимиз, меҳнатимиз ва фаолиятимиз орқали намоён этишдир.

Ҳозир сафимизда 165 дан ортиқ турли миллат ва барча соҳаларда фаолият кўрсатаётган ёшлар бор.

Биз Сиз олиб бораётган сиёсатингизни қўллаб-қувватлаймиз! Сизга қанот бўламиз.

Самарқанддаги "Юлдузлар" ёшлар маркази аъзолари

Худди шундай мазмундаги мактуб Наманган вилоятидан Муҳайё ИСРОИЛОВА, Дилноза КАРИМОВА, Дилшод ХОЛМАТОВ, Мастура МУРОДОВА, Наргиза ТОЖИБОЕВА, Валижон УЛУҒБОЕВ, Жасурбек АСЛАНОВ;

Қашқадарё вилоятидан Малоҳат ЭШМУРОДОВА, Дилфуза ТУМАНОВА;

Сирдарё вилоятидан Гулнора САНГИРОВА;

Тошкентдан Мақсуд ҚОРЖОВОВ;

Навоийлик Санобар ЖАББОРОВА;

Фаргона вилоятидан Гулнора ИСМОИЛОВА, Саодат ШЕРАЛИЕВА, Ахроржон БЕҒБОЕВ;

Андижон вилоятидан Ёқубжон АБДУЛЛАЕВ;

Самарқанд вилоятидан Жобир МАМАСОЛИЕВ, Файрат ЎТАЕВ ва бошқа кўплаб ёшлардан ҳам олинди.



ТОРТ ПАРАДА (АХИФ)



ҚАЧОН КАТТА БЎЛАМАН

Биз шундай савол билан турли билимгоҳларда таҳсил олаётган ёшларга муурожаат этдик.

ХУЛКАР:

— Рейтинг талаба учун жуда қийин усул. Белгиланган баллни йиғолмасак синовдан ўтолмаймиз. Масалан, 50 соатда 100 балл йиғиш

балл қўйишини "илтимос" қилади. Қарабсизки, ўқиганнинг ўқимаган талаба олдида меҳнати бир тийин бўлади.

МИРШОХИД:

РЕЙТИНГТА МУНОСАБАТИНГИЗ ҚАНДАЙ?

керак. Сессия пайтида қайси китобни варақлашимиз эмас, неча марта доскага чиққанимизни ҳисоблаб кун ўтказамиз. Хаёлимда ўзим саводсиз бўлиб қолаётгандекман.

МУЗАФФАР:

— Домлаларнинг рейтинг асосида бизни баҳолашига қаршиман. Керакли баллни мудатидан олдин йиғиб, қолган дарс соатларига кирмай юрган талабалар ҳам бор. Ёки яна бир мисол, бир талаба дарсга қатнашмади дейлик. У дарсдан сўнг келадида, домладан

— Рейтинг бир томондан яхши. Талаба маълум даражада ҳаракат қилади, балл йиғиш учун ўқийди. Лекин бу усулнинг ҳам йўлини топганлар бор. "Сендан угина, мендан бугина" дегувчилар...

Ёшлар кўтарган бу сўзлар муаммо деб аташга арзирли эмасдир. Нима бўлганда ҳам уларнинг эркин фикрлари, ўз қарашлари борлиги бизни қувонтиради. Рейтингта сизнинг муносабатингиз қандай? Азиз талабалар, сизни қийнаётган муаммолар бўлса, биз билан фикрлашишингиз мумкин. Зеро, келажак бефарқ бўлмаган ёшларга суянади.

АГАР ДОМЛА БЎЛГАНИМДА...

Дилфуза Пирматова — ТошДПУ талабаси:

— Агар домла бўлганимда, ширинсухан бўлардим. Баъзи домлаларнинг бизга қилаётган муомаласидан жуда ранжийман. Ахир талабани ҳам тушуниш керак-ку? Бизнинг мутахассислигимизга тааллуқли бўлмаган фанлардан қийнашади-да, керакли фанлардан яхши дарс беришолмайди.

Музаффар Холматов — ўзбек тили ва адабиёти факультети толиби:

— Баъзи домлаларимиз ҳаддан ташқари қаттиққўл. Бироз кечиксак ҳам аудиторияга киритмайди. Зарур ишимиз чиқиб қолганини ёки транспортда бирон ҳодиса бўлганлигини эшитишни ҳам хоҳламайди. Домла бўлганимда, бу айб учун талабаларимни кечирардим.

Миршоҳид Умаров — ТошДПУ толиби:

— Талабалик йилларини кўнгилли ўтиши учун ҳар хил саёҳатлар уюштирардим. Тўгараклар очардим. Қисқаси, талабани ўзимга тортиш, дарсимада ухлаб қолмаслик чораларини кўрардим.

Эльнора Ирисметова — ТошДПУ ўзбек-рус гуруҳи талабаси:

— Домлаларимизнинг маърузалари-



да янгилик йўқдек. Шунинг учунми баъзилар зерикиб кетади. Айрим ҳолларда маърузаларда эски маълумотлар келтирилишини сезиб, таажубда қоламиз. Домла бўлганимда, (бўлиш ниятим бор) талаба билан ўзимнинг ўртამдаги фарқни олиб ташлардим. У билган нарсани мен билмаслигим мумкин-ку? Лекин қаттиққўлликни қўлдан бермасдим.

Дилбар Аралова — ТошДУ талабаси:

—Талабага эркинлик берадим. Бунни ўқи, деб мажбурламасдим. Қизиқмаса, ўша нарсани бошини ёриб киргизсак ҳам олмайди.

Хуршид Рўзиев — журналистика факультети толиби:

— Домла бўлсам, баъзи бир устозларга ўхшаб, талаба ва ўзимнинг ўртამда "Хитой девори"ни қурмасдим. Ўз манфаатимни эмас, талаба ёшлар манфаатини кўзлаб ишлардим. Билим берадим ва талаб қилардим.

Мирали Боймуродов — ТошДПУ толиби:

— Яхши ўзлаштираётган талабаларни дарслардан озод қилиб, ишлашига рухсат берадим.

Бир талаба ўзбек тили бўйича зўр мутахассис бўлиб қишлоғига қайтаёкита отахон қаердан келаётганини сўрабди.

— Мен ўзбек тили бўйича 6 йил шуғулланиб, олий маълумотли бўлиб кетяпман, дебди.

КУЛТУ БЕКАТИ

қишлоғим- г а

Тинчимаган чоллар уни синамоқчи бўлишибди ва яйловда ўтлаб юрган эшакни кўрсатиб, бу нима, деб сўрабди

— От.

Талабанинг жавобидан чоллар қотиб қандай исботласа бўлади?

ДАРС ЖАДВАЛИ:

- 1 пара
Талабашўносликка кириш:
а) талабанинг боши "қунда" га:
ийтихон ва синовлар ёздан олади;
б) ҳамён "терапия".
- 2 пара
Домлашўнослик асослари:
а) домлага ёзмаганлар;
б) лицейни боши қарайган лицейдор.
- 3 пара
Тарихшўнослик
- 4 пара
Эркин соат:
Энг сўнгги иш-мишлар билан "Туркистон" дарс чилари.

1 пара: Талабашўносликка кириш

“УМИД” ЯНГИ ТАНЛОВ АРАФАСИДА

Бундан бир неча йил муқаддам Президентимизнинг махсус Фармони билан иқтидорли ёшларни чет элда таълим олишларини қўллаб-қувватлаш “Умид” жамғармаси ташкил этилган эди. Айтиш мумкинки, ушбу жамғарма қўллаб ўзбек йигит-қизлари орзуларини ҳақиқатга айлантирди. Жамғарманинг бугунги кундаги фаолияти тўғрисида жамғарма ижрочи директори вазифасини бажарувчи Ботир Хусанович УБАЙДУЛЛАЕВ билан суҳбатлашдик.

— Ботир ака, “Умид”нинг ўтган давр мобайнидаги фаолияти ҳақида нималар дея оласиз?

— Президентимиз ташаббуси билан 1997 йилда “Умид” жамғармаси ташкил этилган бўлиб, шу вақт ичида учта танлов ўтказилди. Унда олти мингга яқин талабалар иштирок этди. Хорижда ўқиш истаги бор ана шу йигит ва қизларнинг 650 нафари тест синовларидан муваффақиятли ўтиб, дунёнинг нуфузли олий ўқув юртлирида таълим олиш бахтига муяссар бўлишди. Улар жаҳоннинг юксак тараққиётган 6 та давлатларида (АҚШ, Буюк Британия, Германия, Франция, Япония, Италия) 31 та мутахассислик бўйича ўқишмоқда. Хозирда “Умид” тўртинчи танлов-синовларини бошлайди. Бу йил 20 февралгача талабалардан ҳужжатлар қабул қилинади. 21 февралдан шу йилги танлов-синовлар бошланади. Жорий ўқув йилида ёшларимиз таълим олаётган 6 та мамлакатлар ҳисобига Канада давлати, 31 мутахассисликка эса туризм соҳасига оид яна 3 та мутахассислик қўшилди.

1997, 1998 йилларда чет элларга юборилган талабалардан 70 нафарга яқини ўқишни муваффақиятли тамомлаб, эндиликда муайян мутахассислик бўйича республикамиздаги вазирлик, ташкилот ва корхоналарда хизмат қилишмоқда.

— Танловларнинг ўзига хослиги нималардан иборат?

— Бу йил жами 300 нафар грант бўлиб, уларнинг 240 таси магистратурага ва 60 таси бакалавриатга ажратилган. Маълумки, магистратура — билим босқичининг юқори қисми даражаси бўлган ўқув шаклидир. Унга маълум бир соҳа бўйича мукаммал илмга эга бўлган

ёшлар қабул қилинади. Қолаверса, магистратурада таълим олишга камроқ вақт сарфланади.

— Хорижда билим олиш учун мутахассислар қай тарзда танланади?

— Бугунги кунда бошқа касбларга нисбатан эҳтиёж кўпроқ сезилган, республикамиз тараққиёти учун энг керакли, долзарб саналган йўналишлар бўйича мутахассисликлар белгиланди.

— “Умид” йўлланмаси асосида хорижда таълим олиб қайтган ёшлар билан ҳам шуғулланасизларми?

— 1998 йилда Президентимизнинг тегишли Фармойишига биноан махсус ишчи гуруҳи тузилган. У хорижий университетларни битириб келган йигит-қизларни мутахассислиги, яшаш жойи, илмий даражасини ҳисобга олиб, республика ташкилот ва корхоналарига ишга тақсимлайди. “Умид” орқали ўқиб ҳозир ишлаётган ҳар бир йигит-қизнинг меҳнат фаолиятига оид мониторинг ҳар уч ойда олиб борилади. Ундан ташқари чет элдаги ёшларимизнинг ҳам қандай ўқиётгани таҳлил қилиб, кузатиб турилади. Маълум муддатларда махсус ишчи гуруҳи улар билан учрашувлар уюштиради. Яъни хорижий университетларни тамомлаган ёшларни жамғарманинг ижтимоий фаолиятига жалб этади. Ўзбекистонлик талаба ёшларнинг билимга чанқоқлиги, фанларни ўзлаштириши, одобахлоки чет эл университетларидаги баобрў, энг талабчан, қаттиққўл домлаларнинг мақтови, эътирофига сазовор бўлаётганини қувонч билан таъкидлаш жоиздир.

Назокат УСМОНОВА
суҳбатлашди

БИРИНЧИ ВОҚЕА

... Ниҳоят, Олой бозорининг ёнидаги бекатда одамлар катта тўдасини қолдириб, санжоблашган автобуснинг бўш ўриндиқларидан бирига ўтирарканман, ҳалитдан бери ҳеч кимга гап ҳам, жой ҳам бермай келаётган икки ўспириннинг оммавий суҳбатига мен ҳам истамаган ҳолда шерик бўлдим. Эрталабдан кимларнинг майда-чуйда гийбатлари билан бошингни ҳам, кўнглингни ҳам тўлдириб олиш, кун бўйи нокарак ахборотлар юки остида оғирлашиб юришни жуда ёмон кўраман. Аммо наилож, йўловчилик — мажбурман. Хуллас...

— Қанчадан бердийлар?

— 500 дан...

— Текин экан-ку. Силаники ўқиш эмас экан-де. Мана бизники мингдан. Фалончадан (қайсидир фанни айтди) икки мингдан йиғштириб олди.

— Қўйиб бердимми?

— Биттаси бор эди.

Финг-пинг деди.

барибир



қўйиб берасиз, дедим. Кимни обкесанг ҳам мендан оломайсан, деди. Юрдим-юрдим. Охирги заҳётда тоғага кирдим. Шундоқ чақириб, олдимда гаплашди. “Хўп-хўп”, деб қўйиб берди. Барибир баҳо кўяркансиз-ку, дедим. Энди шундоқ қилиш шартмиди, у-бу деди. Билдингми, танка бўлиши керак, танка!

Бизгачаям (танка бор демоқчи)... қўйиб беради-ю, кейин юзга солувради-де... Ундоқ-мундоқ, деб.

Боя танбал талабага қаттиқлик қилган домлани маъқуллаб турган бўлсам, кейин унинг ҳолига жаҳлим чиқди. Бироз ачиндим ҳам.

Тушиб кетарканман, ортимга ўгирилиб, уларга яна бир қараб қўйдим. Пўримгина кийинган йигитлар ҳануз ҳеч кимга эътибор бермай, мақтанишда давом этарди...

ИККИНЧИ ВОҚЕА

Шаҳарда “бойвачча”ларнинг зурриёдлари ўқийдиган ёки бўлажак номдорлар таҳсил оладиган катта олийгоҳ бор. Данғиллама бинонинг кичкина ҳовличаси, ҳовличага кирадиган ундан-да кичик эшикчаси бор. Шу дарчадан ўтсангиз, чет элга келиб қолганга ўхшайсиз. Яъни моданинг жамики намуналари орасида бироз гангиб қоласиз. Тўп-тўп бўлиб келаётган талабаларга беихтиёр йўл берасиз. Бу ҳовличага катта дарвоза нега керак экан деб ўйламанг. Керак экан...

Кўчада қатор турган машиналар ўқитувчиларники эмас, аксарияти талабаларники, эшитиб, ҳа, яхшиям дарвоза бор экан, деб қўйдим. Нега дейсизми?

... Яқинда икки талабанинг машинаси уришиб кетибди. Бир чети озгина қирилган янгигина “Нексия”нинг соҳибаси қўполлик қилган бошқа “Нексия”нинг эгасига: “Машинамни созлаб бер”, деб дўқ урибди. Қиз бир ёзувчимизнинг зурриёдлари экан. Аммо йигит ҳам бўш келмабди. Йигит ҳам бир каттанинг ўғли эмиш. Хуллас, икки эркатойнинг шўхлиги сабаб икки “бойвачча” савдолашадиган бўлди.

ХОТЖИМА

Хуллас, бугуннинг талабаси қандай? Устоз ва талабанинг ўрнини илм даражаси эмас, балки моддий маблағга боғлиқ бўлган баъзи омиллар, салбий ҳолатлар белгилаб қўймаептимикан? Бу ҳолатга қандай ечим топиш керак? Чунки устоз бу — бугунни эртага етакловчи инсон. Талаба эса эртани яратувчи инсон.

Хуллас, эртамиз кимлар қўлида бўлишини тасаввур қилиш учун бугун айтиш шарт бўлмаган, ёки шарт бўлган баъзи ҳолатларга назар солсак, ёмон бўлмади. Нима дейсиз?

Зебо МИРЗАЕВА,
“Туркистон” муҳбири



ДАРЕ

2 наара: Домлашчуслик

Қоракўлга борадиган бўлдик. Тошкент Дорилфунунининг домлари Озод Шарофуддинов, Баҳодир Фуломов, Абдуғофур Расулов, Бегали Қосимов поездга ўтириб жўнадик. Бир маҳал, тонг палласида праводник купе эшигини тақиллатди:

— Жон акалар, -деди ялиниб. — Вагон йўлагига югуриб юрган одам сизларнинг шеригингизми? Айтинглари, бир соатдан бери у ёқдан-бу ёққа чопади. Қийналиб кетди-ку бечора... Устига -устак хотин-ҳалаж ювингани ўтишга қийналяпти.

Норозилик билан тўнғиллаб ўрнимиздан туришга мажбур бўлдик.

— Бирон нарсасини ўғирлаб қўйинг, иккинчи сахарлаб ҳаммани безовта қилмайдиган бўлади, -деди Озод ака.

Баҳодир аканинг яп-янги дўпписи тоқчасида ётган экан. Олиб портфелимга солиб қўйдим. Домла терлаб-пишиб кириб келди.

— Ҳа, дангасалар, турдинглари? -деди илжайиб.

Қоракўл станциясида поезд икки минут тўхтар экан. Ҳаммамиз тушиб кетялмизу, Баҳодир ака нуқул тимирилди. "Нима бўлди", десак, "дўппим бор эди, тополмаяп-

ман", дейди.

Озод ака жеркиб берди: — Қанақа одамсиз ўзи, сизнинг дўппингиз деб поезд тўхтаб турармиди? Бўлинг тезроқ!

Пастга тушишимиз билан

ДўППИНИНГ ЎҒРИСИ

Озод ака жуда жиддий гап бошлади:

— Бу томонларда менингит касали тарқалган дейишади, эҳтиёт бўб юринглари.

— Менингит нимадан бўлади, -сўради Абдуғофур ака "соддалик" билан.

— Нимадан бўларди, шамоллашдан-да!

— Энг кераклиги бош-да, -деди Бегали фалсафий оҳангда.

— Менингитга йўлиққан одам уч кунда ўлади. -Озод ака қаттиқ тайинлади. — Айниқса бошни эҳтиёт қилинглари!

Баҳодир ака секин ёнимга келди.

— Ўткиржон, -деди, -мабодо биронта ортиқча дўппингиз йўқми?

— Ортиқчаси йўқ-ку, ўзимники бор. Сизга кичкина келармикин дейман...

— Майли, вақтинчага бўлсаям, -деб домла энди гап бошлаши билан О з о д ака мени уришиб бер-



ди: — Бош кийимни бировга бериб бўлмайди. Тем более сафарда юрганда.

Кимдир бояги гапни давом эттирди.

— Уч кунда дейсиз-ку, одам бир кунда ўлиши ҳам мумкин.

— Албатта, ҳар кимнинг организми ҳар хил-да...

Баҳодир ака ялинишга тушди.

— Хўп десангиз дўппингизни сотиб олардим, укажон.

Оғринган киши бўлиб портфелимни очдим.

— Йигирма беш сўмга олувдим, -дедим иккиланиброқ.

— Ўттиз сўм! -Озод ака гапни кесди. — Бу ёқларда дўппи қиммат.

Ўттиз сўмга "бор барака" қилдик. Пул менга, дўппи Баҳодир акага ўтди.

— Ие, ўзимники шекилли? -домла юпқа кўзойнагини тақиб дўппига узоқ термулиб қолди.

Озод аканинг "жаҳли" чиқиб кетди:

— Беринг, пулини қайтариб беринг! Бир одам ўз ҳаётини хавф остига қолдириб яхшилик қилсаю, бу киши...

— Йўқ, йў-ўқ, -Баҳодир ака дўппини маҳкам чангаллаб олди. Бошига кийиб мамнун жилмайди. — Тўғри айтибсиз, сал кичкинароқ экан. Майли, бўлаверади. — Дўппини ечиб яна томоша қилди. — Қаранг, сизникини гули ҳам бошқачароқ экан.

Мени ранжиди, деб ўйлади шекилли, кўнглимни кўтарди:

— Хафа бўлманг, укажон, эрталаб йўлакка чиқиб кетаётганимда купе эшиги олдида афти хунуқроқ бир одам турганди. Меникини ўша ўғирлаган. Тошкентга борсак сизга ўзим яхши дўппи олиб бераман. Раҳмат, укажон!

Ўткир ҲОШИМОВ,
Ўзбекистон халқ ёзувчиси

“СИЗНИ СЕВАМАН... ДИЛМУРОДОВ”

Биз ўн беш нафар қиз эдик. Ўн беш нафар хаёллапараст қиз. Бўлғуси журналист эмасмизми, тил билан қўл бирга ишлайди. Аммо талабалик тарихида биз жим қолган, қўлларимиз ёзишдан тўхтаб, тилимиз гўнг бўлган кунлар ҳам бўлган-ки... Ўша хотираларни энди аллақандай энтиқиш билан эслар экансан.

Биринчи курсга қабул қилинибмизки, ҳа деганда эркак домлалар дарс ўтаверган. Яна... қариялар. Тўғри, улар тажрибали, мулоҳазали, катта билим эгалари. Аммо биз — ёшмиз. Хаёлимиз аудиториянинг чанг босган ойнасидан чиқиб, узоқ-узоқларга кабутар каби парвоз қиларди. У "кабутарлар"ни жойига қўндириш учун ё домланинг танбехи ёинки сессия ташвишлари керак бўларди. Хулласи калом, биз ёш, қизил елканли кемада келгувчи шаҳзодага гойибона ошиқ эдик.

Ва кунларнинг бирида аудитория эшиги очилиб — у кириб келди. Басавлат, чиройли. Энг муҳими — ёш! Кекса...роқ домлалар ичида роса зериккан эканмиз.


"Дилмуродов" дея ўзини таништирди у. ЭХМ домласи. У биз учун компьютерлар оламини олиб келди. Биз математикадан қочиб кирган факультетимизда яна аллақандай формула ва масалаларни ечишни қайдан биламиз? Лекин бу муаммолар қизларни зарра қийнамаган. Ахир биз ёппасига маст эдик — янги домламиз ишқиде қуйишни бошладик. Бошқа

нима ҳам қилар эдик. Ахир узундан-узоқ дарсларни зериктирмай ўтказиш керак эди-да.

— Қизлар! Биринчи бўлиб уни мен "илинтираман", дея гап бошлади Ф.

— Ҳой-ҳой, нима биз ердан чиққан кўзиқоринмиз-ми, ой чиқса ҳам, кун кулса ҳам сизгами?! У менинг қармоғимга илинади, -дедим мен.

Хулласи калом, биз ҳаммамиз ёппасига ошиқ бўлган домлани "бўлиша олмай" қол-



дик. Дилмуродовнинг дарс соатлари қолдирилмас эди. Қизлар фақат ўша дарсгагина бисотида бор энг замонавий кийимини кийиб келишарди.

— Эшитдинглари, домла уйланмаганмиш...

Энди ўн беш нафар қиз ўзларини келинлик либосида кўрадиган бўлишди. Ёнлариде ЭХМ қучоқлаган Дилмуродов! Зачёткаларда — фақат 5! Бундан ортиқ бахт борми? Тасаввур қилинг, бир аудитория қиз доска олдида турган домладан кўз узмайди.

Шўрлик йигит сўнги пайт-

лар умуман бизга қарамай қўйди. Йигитларга бўзлаб гапирай деса, уларнинг тиши гичирлайди. Чунки қизлар зимдан домлага ошиқ бўлганликларини билишарди-да. Домла сўнги дарсларда хўп қийналди. Терлаб-пишиб, довдиради. Янги мавзу ўтай деб, қизларга қараса, бир бурчакдан Ф.нинг, иккинчисидан Н.нинг, олдинги қаторда ўтирган Т. ва Г.ларнинг "оҳ"лари эшитилиб кетарди. ЭХМ деган дарс эса ўша "оҳ"лар ортида қолиб кетган. Мен ишонч билан айта олишим мумкин-ки, курсдош қизлардан биттаси ҳам компьютер ва дастурлаштириш нима, деган саволга жавоб топа олмайдилар. Чунки бу дарс уларга муҳаббат сабоқлари сифатида ўтилган эди. Охири нима бўлди денг — Дилмуродов ўзига шерик топди. Дарсни таъсирлироқ ўтиш мақсадида курсимиз иккига бўлинди. Ўн нафар йигит "кабутар" ўғриси Дилмуродов раҳбарлигида ёппасига, хаёллапараст 15 нафар қиз эса... — Танглай тиши доим тушиб кетаверади оппоқ соч қария домла кўлига тушди...

Аммо ўша сабоқлардан сўнг қизларнинг илҳоми жуда гуллади-да. Шеърлар дейсизми, ҳикоялару газаллар дейсизми, бари ёзиб ташланди. Анчагача оҳ-воҳ қилиб юравердик, курсимизга ҳарбийдан қайтган уч нафар йигит келиб қўшилгунича. Аммо бу ҳақда кейин гаплашамиз! Хайр, севгисевар дўстим.

Ошиқ қизлар номидан ЯШНАР

Хислат Муҳаммадалиев — ТошДПУ ўзбек тили ва адабиёти факультети деканининг ўринбосари, Шарқшунослик институтининг собиқ толиби:

— Талаба бўлганимда энг аввало ўз олдимга яхши ўқишни мақсад қилгандим. Институтимизда Зикрилло Умаров деган домла бўларди. Нуқул менга, форс тилини яхши ўзлаштирсанг Мисрга юбораман, дерди. Шу сабабли ўз устимда қаттиқ ишлаганман. Ўша пайтда хорижга чиқишга, фақат

сан деб бефарқ жавоб берди. Чунки домла Нодирнинг меҳмондаги "ҳ" ҳарфини назарда тутганлигини англамаганди.

Ёқутхон Маматова — ТошДУ домласи ҳамда журналистика факультетининг собиқ талабаси:

— Талабалик давримда синов дафтарчасини қалбакилаштириш ҳодисаси бўлганди. Иқтисод фанидан Майярова деган аёл дарс берганди. Жуда билимли ва талабчан эди. Айри м талабалар икки-уч

ДОМЛА ТАЛАБА БЎЛГАНИДА

тўртинчи курсдан кейин рухсат этиларди. Мен эса (мақтанчоқлик бўлса ҳам айтай) институт тарихида биринчи марта иккинчи курсдан Мисрга ўқишга кетганман. Диплом ишларидан, дарслардан озод этилиб, ўзимдан катта курсларга дарс берганман.

Талабалик қизиқ давр экан. Бир домламиз бўларди. Дарсга 15 минут кечикиб келарди-да: — Ҳали ҳам ўтирибсизлар-ми? дерди. Биз эса қочиш кераклигини билмас эканмиз, қўрқувданми ҳаммамиз аудиторияда китоб ўқиб ўтирардик.

Гофир Эшмонов — ТошДУ домласи, СамДПУ филология факультетининг собиқ толиби:

— Бир воқеа ҳеч ёдимдан чиқмайди. Она тили дарсида домламиз Равшан ака Холмуродов бизга диктант ёздирётган эди. Курсдошим Нодир турдида домладан, меҳмоннинг думи борми, йўқми деб сўради. Домла бўлса, уни ўзидан сўрай-

йиллаб ундан баҳо олишолмасди. Хуллас, гуруҳимиздаги икки қиз Л. ва К. (исмини тўлиқ айтолмайман) Майярованинг синовидан ўтолмаган ва охири унинг имзосини ўзлари қўйиб сессиядан ўтиб юраверишган. Шуниси қизиқки, иккинчи курсдаги қалбакилаштириш бешинчи курсда очилиб қолган. Қизлар барибир имтиҳон топширишга мажбур бўлишди ва ҳақиқий учни олиб диплом олишган. Бу воқеани ҳали ҳали ҳаммамиз эслаб тура-миз. Майяровадек домлалар ҳозир жуда кам. У билим, билим ва яна билимни талаб қиларди.

Талабалар биздан хафа бўлишмасин. Қийнасақ уларнинг фойдасига. Вақт ўтади, эртага улар ҳам худди биздек ўз хотираларини кимлар биландир ўртоқлашади. Вақтнинг ҳам, ўзининг ҳам қадрига етади. Унда бизга ўхшаб кечикишади...

З. АШУРОВА

дарс

3 нафа: Тарихшунослик

1. Қайси металл "пахлавон металл" деймиз? Нима сабабдан?
2. Республикамизда ҳафтанинг кунлари билан номланадиган жойларни айтинг.
3. Дунёдаги энг чуқур кўмир шахтаси қерда жойлашган?
4. Аҳолини рўйхатга олиш биринчи марта қайси мамлакатда йўлга қўйилган?
5. Дунёда энг баланд бино неча қават ва у қайси шаҳарда жойлашган?

ТОПҚИРГА ТОПИШМОҚ

6. Маккажўхорининг ватани қер?
7. АҚШда энг кўп негрлар яшайдиган шаҳар қайси?
8. Европадаги энг кўп миллатли давлат.

"Дарс"нинг ўтган сонидан эълон қилинган "Топқир талабага топишмоқ" саволларига мухлислардан кўплаб жавоблар олдик. Улардан: Қашқадарё вилояти, Шахрисабз тумани, Ҳ.Олимжон кўчасида яшовчи Усмон Мелиев, Наманган вилояти, Косонсой туманида истиқомат қилувчи Ислоҳ Ниезов, Тошкент шаҳар, талабалар шаҳарчасидан Фарид Холиқовлар саволларга тўғри жавоб йўллаган. Жавобларингизни текширишингиз мумкин.

1. Ер атмосфера билан ўралганидан Ердан осмонга қаралса, осмон зангори кўринади. Ойда атмосфера бўлмагани учун, осмон қоп-қора кўринади. 2. Швейцария. 3. Исландия. 4. Испания. 5. Япония. 6. Ҳар 4 йилда февраль ойи 29 кунлик келади. Бу кабиса йили деб аталади. 7. Жанубий Америка. 8. Метро 1863 йилда Лондонда, 1868 йилда Нью-Йоркда қурилган. 9. Ҳинд халқи. 10. Канададаги Виннипег шаҳри. Бу ерда энг юқори сифатли буғдойдан нон тайёрлаш тарққий этган.

Викторина саволларига тўлиқ жавоб ёзиб юборган мухлисларимизни "Туркистон" газетасининг совғаси кутади. Жавоблар 20 февралгача қабул қилинади.

Мурожаат учун телефон: 133-79-69.

ПАРТАДАГИ БИТИКЛАР

Қадрли курсдошим Э.хон! Сизга дарс вақтида ёзган ўн олтинчи мактубимнинг тақдири ҳам чиқинди кути си маконида яқун топди. Ҳар қалай ёзган хатларимни йиртиб-йиртиб ўзимга сочиб юбормаганингизга ҳам шукр қилдим. Э.хон, биласиз, сизни жуда яхши кўраман, лекин мени умуман менсимайсиз. Нега? Бу мактубни шунинг учун ҳам партага ёздимки, партани қоғоз каби парча-парча қилол-

ОШИГИНГИЗ майсиз, ахлат қутисига ташлолмайсиз.

Эртами, кечми, Сиз доим хаёлимдасиз. Кечаси майли-я, дарс пайтида домланинг кўзидан панароқ партада бироз мизғиб олганимда ҳам нуқул Сизни туш кўраман. Менга қараб шивирлаб, шпаргалка узатаётган бўласиз. Тушлар таъбирини билмайману, аммо бу яхшилик аломати эканини юрак-юракдан ҳис қилиб турибман. Ягона орзуим бир амаллаб қоникарли баҳо олиб, стипендияга аранг илиниш.

Э.хон мени тўғри тушунинг, адангиз декан бўлганлари учунгина сизни ёқтириб қолганим йўқ. Сиз табиатан гўзалсиз, кулишингиз ва ҳатто ансангизни қотиришингиз, бурнингизни жийришингиз ҳам ўзингизга жуда ярашади. Агар мен сизга зиғирча ёқсам, жавоб хатини худди шу партининг ўнг томонига ёзасиз, деган умидда

ошигингиз Т. жон,
ТошДУ талабаси
Фотима ҲАСАНОВА
кўчириб ёзди



Ҳеч ким буюк бўлиб туғилмайди. Аммо кимдадир буюклик нишонаси бўлади. Рухида илоҳий нур, шуурида ишқ хотиралари мавжуд. Бу гўзал тасаввурлар бир кун шеър ё куй бўлиб инсон кўнглидан тўкила бошлайди. Эҳтимол шу тўкилиш истеъдод учкунларидир. Нур толаларидан юлдуз, томчилардан уммон яралганидек, бир кун улардан буюк шоир ёки машҳур ёзувчилар етишиб чиқар, балки...

Шу эзгу мақсад билан "Туркистон" таҳририяти "Талантларни излаймиз" танловини эълон қилади. Танлов йил

охирида яқунланади. Ниятимиз, шоирлар юрти бўлган гўзал диёримизда ўсиб келаётган ҳар бир навнихол истеъдодларни асраш, уларга эътибор бериш. Уларнинг кўнгли нидоларига қулоқ бериш ва тақдирлаш.

Шоир учун шеърининг мухлислар томонидан самимий кутиб олиниши қутлуг инъом. Қолаверса қолган совғалар танлов ниҳоясида аниқ бўлади. Биз шу маънода биринчи сўзни қўлимизга яқиндагина келиб тушган шеърдан бошладик. Марҳамат, танишинг...

Эркин МУСТАФО

1981 йил Қашқадарё вилояти, Муборак туманидаги Қарлик қишлоғида зиёли оиласида дунёга келган. 1997 йил Ф.Хўжаев номидаги 9-урта мактабни тугатган.

СИЗНИНГ ДУНЁНГИЗ...

Ойнинг нурларини ўғирлар само,
Ойлар тавоф қилар куннинг қучоғин.
Кўкда кезаётган кун телбанамо,
Ёмғирнинг сувига чайди ўчоғин.
Унда мужассамдир менинг ҳаётим,
Лекин мен беҳабар, бир нотавонман,
Ёлғиз сўқир каби кетурман беиз.
Мен ўзимга даҳо, ўзимга қулман,
Бу гўзал дунёмга қиролмайсиз сиз.
Йўқ, яна жирканиб кетасиз қайтиб,
Яна мен қоламан сўнгсизлик ичра.
Яна мен дилнавоз кўшигим айтиб,
Сизнинг дунёнгизга кирмагум сира.

ИСМЕНИЗ ШЕЪР

Нурлар тушиб турган остонангиз берк,
Сизни кўрмоқ учун келаяпман яна.
Нурлар қучиб турган остонангиз эрк,
Ойдинлик остида куляпман яна.

Яна ўтмиш менга тинчлик бермайди,
Титкилай бошлайман фикрларимни.
Қайсидир қаландар: — Номи ўчмайди,
Мен ундан олганман зикрларимни.

Олислик қаътига маҳкам тугаман,
Олиб қочмасин деб, дайди шамоллар.
Энг баланд жавонни пастга эгаман,
Кетиб қолмасин деб ширин хаёллар.

На тақлид, На гумон, На бир фикр бор,
Титкиланган оҳлар изга қайтади.
Шамоллар елкамга қўйиб номингни,
Сенга термулади, шеърлар айтади.

Фақат ёлғизоёқ сўқмоқлар оша,
Нурлар тушиб турган уйни соғиндим.
Нурлар қучиб турган бўйни соғиндим,
Нурлар учиб турган куйни соғиндим.

Шу боис кўзларим ёрни кўрмайди,
Шу боис зикрлар айтишим керак.
Номингга муносиб шеърлар топмадим,
Муносиб фикрлар айтишим керак.

КАНДАЙ ХАСИСЛАР БОР-А!!!

Эр-хотин тўрт боласи билан саёҳатга чиқмоқчи бўлиб машина тўхта-тишди ва ҳайдовчидан қанчага олиб бориб қўйишини сўрашди.

— Икковингизга 50 минг лира, болаларингиз учун пул олмайман.

— Ундай бўлса, болалар, машинага чиқинглар. Биз ойингиз билан секин айланиб борамиз.

— Нега унга турмушга чиқишни хохламаяпсан? -дебди ота қизига.

— Ахир куёвнинг бошида битта ҳам туки йўқ-ку.

— Сартарошга кетадиган пулларни ҳам ҳисобга олгин-да.

Бир киши дўстидан сўрабди:

— Саккизта уйинг бўлганида биттасини менга берармидинг?

— Албатта.

— Дейлик олтита машинанг бўлса-чи?

— Берардим.

— Дўстлик мана шундай бўлади. Бешта қўйлагинг бўлганида-чи?

— Йўқ.

— Нега энди?

— Чунки бешта қўйлагим бор.

— Биродар қимматчиликни қара.

— Нима ҳақида гапираяпсан?

— Бензиннинг нархи жуда ошиб кетибди-да.

— Машинанг борми?

— Қаёқда, зажигалкам бор.

— Хафа кўринасан?

— Тароғимнинг тиши синиб қолди.

— Битта тароғингнинг тиши синиб қолганига шунча сиқилиб ўтирибсанми?

— Тўғри-ку-я, лекин у тароғимнинг охирги тиши эди-да!

Туркчадан Салима
МУЛЛАБЕКОВА таржимаси

ЭЪЛОН

Институтимиз ошхонасининг бош ошпази Учарбек Эгриқўловни цирк маъмурияти кўзбойлогичлик штати-га ишга тақлиф этипти. Ҳурматли талабалар, тезроқ ошпаз амакидан "Йўқдан бор қилиш", "Сервитами-коқи шарбати", "Дармондорили пиёз сомса" каби антиқа афсунгар-лик услубларини ўрганиб олинг. Келажакда асқотиши мумкин.

Ётоқхонамизда "Қизил китоб"га тушмаган жониворлар номли жонли кўргазма иш бошлади. Унда пашша, суварак, ўргимчак, чигиртка, сичқон, чивин, сингари кун сайи н "йўқо-либ, ноёбла-либ" бораётган 20 дан зиёд жониворлар тўғрисида батафсил маълумот олишингиз мумкин. Кўргазма кун бўйи ишлайди. Кириш текин.

Ўқув машғулотларига мунтазам кеч қоладиган, дарсларга ҳар замонда қатнайдиган талабалар учун беш юз саҳифадан иборат "Баҳоналар тўплами" махсус энциклопедияси нашрдан чиқди. Унда келтирилган уч мингдан зиёд турли важ-қарсонларни ўзингизга қулай пайтда бемалол қўллашингиз мумкин.

4 наара: Эркин соат

УЗА **ГА АГА. Собик Югославия буйича халқаро трибунал инсониятга қарши жиноят содир этиш ва халқаро ҳуқуқ меъёрларини бузишда айбланаётган босниялик Митар Васильевичнинг ҳибсга олингани** **Д а н қониқиш билдириди.** **М а в - Дунё Бир ж у д маълу ларда айтили ш и ч а,** **М.Васильевич 1992-1994 йилларда 135 кишининг ўлимига сабабчи бўлган.**

Т Е Х Р О Н. Эрон ҳукумати АҚШ билан ўзаро зиддиятларни бартараф этиш учун унинг олдида бир неча шарт қўймоқда. Жумладан, АҚШ ҳукумати ушбу мамлакат билан муносабатларни яхшилаш учун Исроилни қўллаб-қувватлашдан ва Эронга қарши юри-таётган сиёсатидан воз кечиши лозим. Бу ҳақда Эрон Олий миллий ҳав-фасизлик кенгаши котиби Ҳасан Рухоний айтди. АҚШ фаластинлик мусулмонларнинг ҳуқуқларини ҳурматлаши, бизга таҳдид солишни бас қилиши керак, деди у.

М О С К В А. Россиянинг Новгород вилоятида йўловчи поезд ҳалокатга учради. Хабарларга қараганда, "Великие Луки - Санкт-Петербург" йўналиши буйича ҳаракатланаётган ушбу поезд юк поездига урилиши оқибатида локомотив ва икки вагон йўлдан чиқиб кетган. Натижада поезд ҳайдовчиси ҳалок бўлган, унинг ёрдамчиси эса оғир жароҳатланган. Икки вагондаги 57 кишига жиддий шикаст етмаган.

Л О Н Д О Н. Инглиз черкови руҳонийларга оиласи билан ажрашганларни иккинчи марта никоҳлаш ҳуқуқини берди. Ушбу қарор 2001 йилда Муқаддас синод томонидан тасдиқланиши лозим. Бу янгилик нафақат Буюк Британия, балки АҚШ ва Ирландияда ҳам катта қизиқиш уйғотмоқда.

П Р А Г А. Чехияда авж олган аёз 46 ёшли савҳатчининг ўлимига сабаб бўлди. Маълумотларга кўра, у сайр қилгани чиқиб йўлдан адашган. Бироз исиниб олиш ниятида ичкилик ичган ва ухлаб қолган, натижада қор тагида қолиб кетган. Унинг жасади полиция томонидан топилган.

С Я Н Г А Н. Малайзия бош вазири-нинг собик ўринбосари Анвар Иброҳим устидан кўзгатилган жиноий иш, қаттиқ оғохлантиришларга қарамай унинг тарафдорлари томонидан норозилик намойишлари ўтказилишига сабаб бўлмоқда. Ҳозирча ўн бир киши полиция маҳкамасига келтирилди. Намойишлар тобора кенг тус олмақда.

М О С К В А. БМТ Бош котиби Кофи Аннан икки кунлик расмий ташриф билан Москвага келди. Ташриф доирасида у Россия пре-

БЎРОННИНГ ТИНИШИ БОР

Сўнгги бир неча йил ичида жаҳон иқтисодиётида катта ўзгаришлар юз берди. Жумладан, Жануби-шарқий Осиё мамлакатларини ларзага солган молиявий инқироз глобал иқтисодиётнинг юксалишига салбий таъсир қилди. Шундай қийин ҳолат юзага келганига қарамай, қудратли АҚШ иқтисодиёти нафақат бу зарбага бардош берди, балки хайратланарли даражада ривожланди ҳам. Аини пайтда бу жараён давом этмоқда. АҚШда инфляция даражаси пастлигича қолаётир. Ишсизлик эса кескин камайди.

Бугун АҚШ фонд бозоридаги ҳолатни авжига чиқётган бўронга қиёслаш мум-

ларга шахсан гувоҳ бўлган. Шу жиҳатдан олиб қаралганда, унинг тушкун кайфиятини тушуниш мумкин.

Олимнинг айтишича, ҳар қандай иқтисодий гуркирашнинг давоми, албатта, таназзул экани капитализмнинг ўзига хос хусусиятларидан биридир. Бироқ аини пайтда кўплаб иқтисодчилар бу жиҳатга эътибор қаратаётгани йўқ. Улар бугунги гуркирашга маҳлиё.

АҚШ иқтисодиётидаги бугунги вазият мамлакатда 1921-1929 йилларда юз берган молиявий юксалишни эслатади, дейди Ж.Хэлбрейт. Бу жараён ҳам АҚШ учун ачинарли бўлган улкан таназзул билан якун топган



кин. Бу ерда йирик компания ва фирмаларнинг қимматбаҳо қоғозлари баҳоси тобора ўсиб бораёпти. Натижада улар мисли кўрилмаган даражада бойиб бормоқда. Бир жиҳатга эътибор қаратмоқ жоиз. Осиёнинг, қисман Европанинг бир қанча компаниялари банкротга учраб, сотувга қўйилаётган бир пайтда АҚШ компаниялари уларга асосий харидор бўлаётир.

АҚШ иқтисодиётидаги мазкур ҳолат кўплаб мутахассисларни боши берк кўчага киритиб қўйди. Улар бу вазиятни баҳолашга изоҳлашга иккиланиб турибди. Иқтисодчиларнинг кўпчилиги бу ривожланиш бир кун келиб орта кетишига ишонқирамаяпти. Чунки инсоннинг табиати шунақа. Муваффақият орқасида омадсизлик ҳам бўлишини токи унга дуч келмагунча тан олгиси келмайди. Шу жиҳатдан олиб қараганда, АҚШ иқтисодиётидаги бугунги гуркираш куни келиб оқсай бошлашини башорат қилиш ўринсиздек туюлади. Бироқ шундай қарашларни баён қилаётганлар ҳам йўқ эмас. Жумладан, Гарвард университетининг профессори Жон Кеннет Хэлбрейт шулар сирасидан.

Ж.Хэлбрейт ҳақида икки оғиз сўз. Бу олим АҚШдаги машҳур иқтисодиётчилардан бири. 91 ёшли Хэлбрейт XX асрда мамлакат ҳаётида рўй берган деярли барча муҳим молиявий ўзгариш-

эди. Ўшанда бозорда яқка сармоядорларнинг қимматбаҳо қоғозлари қиймати кескин кўтарилиб кетганди. Бугунги кунда ҳам уларнинг ошиғи олчи бўлмоқда. Яқка сармоядорлар фонд биржасига шу даражада йирик миқдорда маблағ ташланганки, ҳатто профессионал дилерлар ҳам уларни тўлиқ бошқаришга ожизлик қиляпти.

Гарвард университетининг профессори ўз тажрибасига таяниб, ушбу гуркираш орқасидан таназзул келишини башорат қилмоқда. Юксалиш қанчалик узоқ давом этса, инқироз кўлами ҳам шунчалик катта бўлади. Сармоядорлар қимматбаҳо қоғозлар сотиб олиш учун мисли кўрилмаган миқдорда маблағ сарфлашни дарҳол тўхтатиб қўяди ва бу фонд бозорида ўпирилишни келтириб чиқаради.

Олимнинг таъкидлашича, АҚШ фонд бозоридаги бугунги ҳолат тобора шишиб бораётган пуфакни эслатади. Мамлакатнинг баъзи иқтисодчилари мана шу алдамчи кўрсаткичларга таяниб, турли ижобий хулосалар ясамоқда. Бироқ уларнинг бу хулосасидан келиб чиқиб, мавжуд юксалиш доимий давомийликка эга, деб ишонавериш ярамайди. Зеро, бўрон қанчалик кучли бўлмасин, куни келиб тинади.

Анвар КАРИМОВ,
ЎЗА шарҳловчиси

УЗА **зиденти вазифасини бажарувчи Владимир Путин, ташқи ишлар вазири Игор Иванов, фавқулодда ҳолатлар вазири Сергей Шойгу, ташқи разведка хизмати директори Вячеслав Трубников билан музокаралар ўтказди.** **Хабарларга кўра, музокараларда Чеченистондаги можароларни бартараф этиш, Абхазия, Тоғли Қорабоғ ва Тожикистондаги вазият хусусида фикр алмашилади.**

К И Е В. НАТО Бош котиби Жорж Робертсон икки кунлик расмий ташриф билан Украинага келди. Ташрифнинг биринчи куни у Украина президенти Леонид Кучма, Бош вазири Виктор Ющенко билан учрашди. Учрашулар чоғида Украина ва НАТО ўртасидаги алоқалар истиқболи билан боғлиқ масалалар муҳокама этилди. 28 январь куни Ж.Робертсон Одессага ташриф буюрди.

М Е Х И К О. Мексика қирғоқ кўриқчилари мамлакатнинг балиқ овлайдиган "Валерия" кемасини текширувдан ўтказиш чоғида 5,5 тонна кокаинни мусодара қилди. Шунингдек, кемадаги 6 нафар киши ҳибсга олинди. Аини пайтда ушбу жиноий иш устидан тергов олиб борилмоқда.

М О С К В А. Хабарларга қараганда, Шимолий Кавказда террорчиларга қарши ўтказилган операциялар мобайнида 10 мингга яқин жангари йўқ қилинган. Россия қуроли кучлари Бош штаби бошлигининг биринчи ўринбосари Валерий Манилов журналистлар билан учрашувда шуни маълум қилди.

Унинг айтишича, ушбу ҳарбий ҳаракатлар бошланмасдан аввал Чеченистонда тахминан 22-25 минг жангари бўлган. Догистонни озод этиш чоғида 2 мингдан зиёд жангари қириб ташланган. Шунингдек, Грозний ва Чеченистон жанубидаги жанглар пайтида Россия ҳарбийлари томонидан 4 минг жангари йўқ қилинган.

Қ О Ҳ И Р А. Келаси ҳафтада Москвада Яқин Шарқ масаласи буйича ўтказиладиган кўп томонлама музокараларда Миср ҳукумати ҳам иштирок этади. Миср Араб Республикаси президенти Хусний Муборак шундай деб баёнот берди.

Президентнинг таъкидлашича, бўлажак учрашувда Яқин Шарқни ядро қуролидан ҳоли зонага айлантириш масаласига жиддий эътибор қаратишимиз лозим.


УЗА **Сўнгги йилларда Қоҳира Исроилнинг ядровий арсеналлари масаласи юзасидан бир неча марта ташвиш билдириб келмоқда.** **Бироқ, шунга қарамай, Исроил ҳукумати ядровий қуролларни тарқатмаслик тўғрисидаги Шартномани ҳалигача имзолагани йўқ.**

ЧАЙНВОРД

БҮЙИГА: 1. Жамиятнинг ижтимоий ва маънавий-маърифий ҳаёти мажмуи. 2. Ўзбекистондаги шаҳар. 3. Бирор давр кишиларининг насли. 4. Бирор иш, мақсадни амалга ошириш имконияти. 5. Афсонавий илон. 6. Сиҳатгоҳ. 8. Улуғ мутафаккир, олим, табиб. 9. Пиримқул Қодировнинг асари. 13. Бет-қўл ювиш учун ишлатиладиган идиш. 20. Ўз рефератини ўқиб бераётган киши. 22. Бўёқ модда. 24. Овқатга солиш учун ишлатиладиган кўкат ва сабзавот. 27. Интилиш. 28. Бирор нарсани кичрайтириб ишланган нухсаси.

ЭНИГА: 7. Алишер Навоий асари. 10. Сув йўли, ариқ. 11. Монголиядаги дарё. 12. Ҳинд аёлларининг кийими. 14. Чехословакиянинг пул бирлиги. 15. Янги йил байрамнинг қахрамони. 16. Йўл ҳақи. 17. Концерт берилишидан олдин тарқатиладиган эълон. 18. Муайян ишни бажариш учун хизмат қиладиган мослама. 19. Бирор фикрни ифодаловчи сўзлар бирикмаси. 21. Қамария йил ҳисобида еттинчи ойнинг арабча номи. 23. Бахт ёр бўлган, бахтли. 25. Пайгамбар. 26. Исковуч итларга бериладиган буйруқ. 29. Кончи шаҳар. 30. Тропик ўсимлик. 31. Тинч океанининг жануби-ғарбидаги архипелаг.

Тузувчи: Саодат ОРИФЖОНОВА



ЖУМБОҚНИ ТОПА ОЛДИНГИЗМИ?

Газетанинг 26 январь сонидан эълон қилинган бошқотирма жавоблари

ЭНИГА: 1. Юкатан. 4. Тавозе. 10. Ангишвона. 11. Назм. 12. Хумс. 13. Оқин. 15. Бўёқ. 16. Ойдин. 19. Ораста. 20. Калила. 24. "Кўкан". 26. Файб. 27. Мина. 29. Шира. 31. Жанг. 32. Новгарзон. 33. Исириқ. 34. Ананас.

БҮЙИГА: 2. Атаман. 3. Арго. 5. Алоқа. 6. Ойдин. 7. Ханнот. 8. Иштиёқ. 9. Касана. 14. Идрок. 15. Боту. 17. "Далли". 18. Маоб. 21. Акашак. 22. Кавкаб. 23. Паргар. 25. "Афанди". 27. Мажнун. 28. Човли. 30. Азон.

Ренанинг медали

Хиндистоннинг Удайпур шаҳрида аёллар ўртасида ўтказилган шахмат бўйича саккизинчи Осиё чемпионати ўз ниҳоясига етди. Унда 12 мамлакатдан 20 спортчи қатнашди. Ўзбекистон шарафини халқаро тоифадаги гроссмейстер Рена Мамедова ҳимоя қилди.

Мусобақа 11 турдан иборат Швейцария тизими бўйича ўтказилди. Турнирнинг мураккаб мусобақаларида Рена Мамедова қўлга киритиш мумкин бўлган 11 баллдан 7,5 балл тўплашга эришди. Натижада у учинчи ўринни эгаллаб, бронза медал совриндори бўлди.

(ЎЗА)

Икки бошли ва балиқсимон болалар

Перунинг Кахамарка шаҳрида гаройиб бола дунёга келди, у икки бошли. Унинг ота-онаси Эваристо Хиль ва Ирис Линарес ўша кунлик чақалоқни табиғга олиб боришди. У эса боланинг иккинчи бошини кесиб ташлади. Ҳозир гўдак яхши ўсапти.

Льяман деган жойда туғилган Эдвин исмли бола ҳам катта шов-шувга сабаб бўлди. "Лас-Мерседес" деб аталувчи касалхона шифокорлари гўдакка туғма ихтиоз деган ташҳис қўйишди. Саккиз ойлигидаёқ дунёга келишга шошилган болакайнинг лабсиз оғзи, тангачалар билан қопланган бадани, бурни ўрнидаги иккита тешикча уни айниқса балиқларга ўхшатарди. Чақалоқнинг қўли ва оёқлари беўшлов шаклда. Эдвин деб ном қўйилган болакайнинг ўпкаси ва юраги яхши ишлайди, эркакниқига ўхшаш жинсий аъзоси ҳам бор. Унинг баданидаги тангачалар тўқидиш, қизғиш териси остидаги ички аъзолари кўриниб қолди. Болани сут билан эмизмоқчи бўлишган эди, аммо у эммади. Медиклар фикрича, Эдвиннинг ичаклари, овқат ҳазм қилиш органлари яхши ривожланмаган. Шунинг учун унга таомни суғий ичаклар ёрдамида едиришга ҳаракат қилишди.

Эдвиннинг уч нафар соғлом акалари бор. Ота-онасининг айтишича, бир неча йиллар бурун ҳам бу оилда балиққа ўхшаб кетадиган чақалоқ дунёга келган, бироқ бир неча соатдан сўнг вафот этган. Улар бу воқеани ҳеч кимга билдирмай антиқа чақалоқни кўмиб қўйишган экан.

Шифокорларнинг айтишича, Эдвин Перуда дунёга келган учинчи балиқ боладир. Одатда бундай чақалоқлар туғилгач, уч-тўрт соатдан сўнг ўлган. Эдвин эса бу ёруғ дунёда тўққиз кун яшайди.

Льяман шаҳри аҳолиси Эдвиннинг онаси шайтонлар билан бирга бўлган, шу боис бундай галати гўдак туққан, деб мурғак жасадни қабристонга кўмишга қаршилик кўрсатишди. Гаройиб боланинг туғилганини баъзи одамлар бошқа сайёраликларнинг қилмиши бўлса керак, деб ҳисобламоқдалар.

СЕВГИ ИЗҲОР ЭТИШНИНГ ОСОН ЙЎЛИ

Исландиялик Хаукур Магнуссон исмли йигит севган қизига дил изхорини билдириш учун антиқа йўл топди. У мамлакат телевидениесига бориб, 900 доллар тўлаб, реклама кўрсатувининг маълум вақтини сотиб олди. Кечки пайт телеэкран орқали севган қизига мурожаат этиб, уни жонидан ортиқ севишини, агарда рози бўлса, эртагаёқ уйланишга тайёр эканлигини билдирди.

Суюкли йигитининг сўзларини ойнай жаҳон орқали эшитган қиз шу заҳотиёқ унга турмушга чиқишга рози эканлигини айтди.

Ю П Д У З Л А Р САМОДАН СЎЗЛАЙДИ

(31 ЯНВАРДАН
6 ФЕВРАЛГАЧА)

ҲАМАЛ. Душанбада ишлар о' кей. Сешанба куни яқинлар билан дийдорлашасиз. Чоршанбадан янгилик кутинг. Пайшанба куни соғлиқ ҳақида қайғуришга тўғри келади. Жумада бойийсиз. Шанба кўнгилдагидек ўтади. Молиявий аҳволингизни яқшанбада яхшилайсиз.

САВР. Ҳафта бошида чўнтагингиз қаппаяди. Сешанба куни қувонасиз. Чоршанбада соғлигингизга эътибор беринг. Пайшанба ва жума кунлари сирли учрашув. Шанбада сизни сўроқлашади. Яқшанбани ўзингизга бағишланг.

ЖАВЗО. Мухим хабарлардан сизни душанба воқиф этади. Сешанба куни бойийсиз. Чоршанбада қувончли дақиқалар.



Сураткаш: А. ХАМИДОВ

Пайшанба куни зиддиятлардан нари юринг. Жумада яқинингизни кутинг. Шанба куни грипдан сақланинг. Яқшанбада самарали ижод қиласиз.

САРАТОН. Ҳамкорлар билан учрашувни душанбага қолдиринг. Сешанба куни сизни сўроқлашади. Чоршанба ва пайшанба кунлари ишингиз бароридан келади. Жумада саломатлигингизга эътибор қаратинг. Шанбани кўнглингизга яқин одам билан бирга ўтказасиз. Яқшанбада яхши дам олинг.

АСАД. Ҳафта сирли учрашувлар билан бошланади. Сешанба куни асабийлашманг. Чоршанбада омадингиз келади. Пайшанба куни узокдан кўнгироқ кутинг. Жума хайрли кун. Яқшанбадаги хариддан оила аъзоларингизнинг ҳам кўнгли тўлади.

СУНБУЛА. Душанба куни тақдирланасиз. Сешанбада сизни йўқлаб келишади. Чоршанба куни ишингизда муваффақиятларга эришасиз. Пайшанбада ҳамкорлар билан янги битимлар имзолайсиз. Жума куни соғлиқни эҳтиётланг. Дам олиш учун қулай кун — шанба. Яқшанбада бозорингиз бароридан келади.

МЕЗОН. Ҳафта бошида муҳим ишларни телефонда ҳал қиласиз. Сешанбада сирли учрашув. Чоршанба куни қувонасиз. Пайшанбада зиддиятлардан нари юринг. Жумада асабларингиз чарчагани сезилади. Шанба куни соғлиқ-кайфиятингиз яхши эмас. Яқшанбада яқинингизни кутинг.

АҚРАБ. Душанба куни сизни сўроқлашади. Сешанбада қувонасиз. Чоршанба молиявий аҳволингизни яхшилайди. Пайшанбадан янгилик кутинг. Жума куни кўндан кутаётган кишингиз билан ҳамсухбат бўласиз. Яқшанбада соғлигингизни авайланг.

КАВС. Сешанба куни зиддиятлардан нари юринг. Чоршанбада қувонасиз. Пайшанбадаги хариддан кўнглингиз тўлади. Жума сизни кўнгилли учрашувга таклиф этади. Шанба ва яқшанба кунлари мириқиб хордиқ чиқариш имконига эгасиз.

ЖАДЙ. Ҳафта сирли учрашувлар билан бошланади. Сешанбада саломатлигингизга эътибор қаратинг. Чоршанба куни муҳим ишларга қўл урманг. Пайшанбада сизни сўроқлашади. Жума ва шанба кунлари ишлар о'кей. Яқшанбада яхши дам олинг.

ДАЛВ. Умуман ҳафта хайрли бошланади. Сешанбада ҳамкорлар билан янги битимлар имзолайсиз. Чоршанба ва пайшанба кунлари ишларингиз о'кей. Жумада сизни сўроқлашади. Шанба куни асабни асранг, акс ҳолда яқшанбада кўрпачақ қилиб ётишингизга тўғри келади.

ҲУТ. Душанба омадли кун. Сешанба куни зиддиятлардан нари юринг. Чоршанба янгиликдан хабардор этади. Ишбилармонлар муҳим тадбирларингизни пайшанбага қолдирганингиз маъқул. Чўнтак учун баракали кун — жума. Шанбада соғлигингиз безовта қилади. Яқшанба куни сирли учрашув.

ЖАҲОН ЁШЛАРИ КУРАШ ТУШАЁТИР

Ўзбекистон кураши нафақат мамлакатимиз йигит ва қизларининг соғлом бўлиб етишишида, балки дунё ёшларининг ҳам соғлом ва баркамол бўлишида муҳим аҳамият касб этиши аниқ. Чунончи, шу йилнинг 6-7 май кунлари Россиянинг Тверь шаҳрида кураш бўйича ёшлар ўртасида жаҳон биринчилигининг илк бора ўтказилиши режалаштирилгани ҳам шундан дарак бермоқда.

Дарҳақиқат, бу каби нуфузли мусобақалар курашимиз обрўсини жаҳон майдонида ортиб бориши ҳамда дунё ёшлари ўртасида ҳам истеъдодли курашчиларни тарбиялаб вояга етказишда катта ўрин тутади. Мазкур беллашувда 1984-86 йилларда туғилган курашчи ўсмирлар тўрт вазн бўйича, қизлар эса 52 ва 57 килограмм вазн тоифаларида гиламга чиқиб, голиблик учун баҳс юритади.

КИКБОКСИНГ РИВОЖИ УЧУН

Пойтахтимиздаги "Янгиобод" спорт мажмуида 28-30 январь кунлари кикбоксинг бўйича болалар ва ўсмирлар ўртасида "Соғлом авлод" соврини учун республика очиқ турнири ўтказилади.

Унда мамлакатимиз вилоят ва шаҳарларидаги кикбоксинг клубларининг 1985-88 йилларда туғилган ёш спортчилари билан бир қаторда Марказий Осиё-давлатларидан келган ёшлар ҳам 10 вазн тоифасида голиблик учун беллашади.

— Ушбу мусобақадан кўзланган мақсад, ўсиб келаётган ёшларимиз ўртасида бошқа спорт турлари каби кикбоксингнинг ҳам оммавийлигини тарғиб қилиш ҳамда уларни ватанпарварлик руҳида тарбиялашдан иборат, деди қўл жанги бўйича "Динамо" спорт клуби бош мураббийси Адҳам Рашидов "Туркистон-пресс" мухбирига. — Бу каби мусобақалар навқирон авлод ўртасида келгусида ўтказилажак нуфузли халқаро турнирларда юртимиз шарафини муносиб ҳимоя қиладиган кучли кикбоксингчиларни тайёрлашда муҳим аҳамият касб этади.

"Туркистон-пресс"

ДИЙДОР

Дунёда она меҳрини туйишдан ҳам юксакроқ туйғу бўлмаса керак. Айниқса ота-онанинг илиқ бағридан чиқиб, она Ватан хизматига шайланган ёшлар бундай туйғунинг илк бора юрак-юрақдан ҳис қила бошлайди. Улар учун ота-она дийдори сув ва ҳаводан-да азизроқ туюлади. "Мусофир бўлмагунча мусулмон бўлмайсан", деган нақл ҳам шундан келиб чиққан бўлса ажабмас.

"Қамолот" жамғармасининг Тошкент вилояти Бўка туман бўлими ҳамда туман ҳокимлиги ҳамкорлигида хайрли ишга қўл урди. 45 кишидан иборат ота-оналар гуруҳи узоқ Сурхон воҳасида йигитлик бурчини ўтаётган фарзандлари билан дийдорлашишди. Сурхондарё вилоятининг ҳарбий қисмларида хизмат қилаётган йигитлар бундай кутилмаган учрашувдан бошлари осмонга етди. Дийдорлашув сўнггида ҳарбий хизматчиларга "Қамолот" жамғармасининг эсдалик совғалари улашилди.

— Учрашув ўтказишдан мақсад, ёшларимизни ота-она ва Ватан олдидаги йигитлик бурчларини чуқурроқ ҳис қилдириш ҳамда улар учун сидқидилдан хизмат қилишга ундашди — дейди "Қамолот" жамғармаси Бўка тумани бўлими раиси Дониёр Содиқов. Ҳар бир аскар назаримда биз билан кўришиб ўз яқинлари даврасида ўтиргандек. Яна ташрифларимиз давом этади.

А. МАГДИЕВ

Муассис:

ЎЗБЕКИСТОН ЁШЛАРИНИНГ
«КАМОПОТ» ЖАМҒАРМАСИ

Бош муҳаррир Абдуқодир НИЁЗОВ

Навбатчи муҳаррир
Низомжон ОТАМУРОДОВ



Таҳририят:

Бош муҳаррир — 133-89-61
Қабулхона — 136-59-38
Хатлар бўлими — 133-79-69



Манзилимиз:

700083 Тошкент Матбуотчилар кўчаси, 32—уй
Таҳририятга юборилган материаллар қайтарилмайди.
Муаллифлар фикри таҳририят нуқтаи назаридан
фарқланиши мумкин.